

欽定盛京通志

欽定盛京通志卷之六十七

國朝人物三

宗室貝勒貝子公

欽定盛京通志卷之六十七

國朝人物三

(宗室貝勒貝子公)

誠毅貝勒穆爾哈齊。

顯祖宣皇帝第二子也。性驍勇。每遇戰攻。輒冒矢石。先
登陷陣。

賜號誠毅。歲乙酉夏四月隨

太祖率步騎五百人征哲陳部。值大水。遣衆還。留八十
人前略地。有嘉哈人潛告哲陳部主。於是託摩

和章嘉巴勒達薩爾濬。界藩五城。俱集衆以待。
我兵既深入。見敵衆之驟合也。頗有戒心。惟穆

爾哈齊。及近侍延布祿烏凌阿。隨

太祖直前奮擊。射死二十餘人。敗其衆。敵奔界藩。爭渡
渾河而遁。時熱甚。

太祖少憇。起追之。穆爾哈齊隨。

太祖至吉林岡。見敗兵五十餘人。望山奔竄。

太祖恐爲敵所見。去盔纓。隱身待之。射其前至一人。貫

脊而殪。穆爾哈齊復射殪一人。餘悉墜崖死。

太祖曰今日之役以四人而敗八百衆。

天助我也天命五年九月以疾卒。

太祖親往奠之順治十年五月追封多羅貝勒謚勇壯。

子務達海以軍功封貝子。

篤義貝勒巴雅喇。

祖宣皇帝第五子也戊戌年正月。

太祖命與台吉褚英征安楚拉庫路有功。

賜號篤義丁未年四月復奉。

命征東海窩集部取赫濟赫等三路俘二千人歸天命

九年二月卒。順治十年五月追封多羅貝勒。謚剛果。

廣略貝勒褚英。

太祖高皇帝第一子也。

太祖嘗命征安楚拉庫路。取屯寨二十餘。

賜號洪巴圖魯。授貝勒。丁未年正月同貝勒舒爾哈齊。

代善率兵往徙東海瓦爾哈部。盡收屯寨五百戶。令侍衛扈爾漢衛之先行。烏拉布占泰以衆邀諸路。翼日褚英與代善至。策馬誓衆曰。

上每有征伐無不以少敵衆。今雖未親厯行間。我等奉命來等耳。爾衆士母畏。昔擒布占泰宥之歸。俾主其地。

爲時不久。背恩如故。今豈遂不能縛之邪。衆士咸奮。遂與代善各率兵五百。夾擊之。敵大敗。死者相枕藉於道。

太祖嘉其勇復。

賜號廣略。戊申三月。征烏拉。克其城。歲乙卯。閏八月卒。安平貝勒杜度。褚英第一子也。天命六年二月。從

從攻明。奉集堡。有功。封貝勒。天聰元年正月。從

征朝鮮。克義州等城。師逼平壤。其王李倧乞和。

大貝勒阿敏欲弗許。杜度力持不可。卒定盟還

三年十一月。從征至燕京。略通州。克張家灣。還

軍薊州。遇明援兵。杜度陷陣殲之。傷足。尋聞石

門驛馬蘭峪等十一城俱叛。馳至遵化。叛者復

歸。明兵犯遵化擊却之。獲駝馬以千計。七年五

月。明叛帥孔有德耿仲明來降。杜度逆之於鎮

江岸。追兵不敢近。遂護歸。八年五月。駐防海州

土。著督崇德元年四月。封安平貝勒。十二月。從征朝鮮。

護輜重後行。二年正月將抵臨津江。前二日聞冰解不可渡。一夕天大雨雪。寒甚。冰復凝。遂徑渡。以狀聞。

太宗喜曰。嘉祥薦至。皆

天意也。嗣興睿觀王多爾袞取江華島。敗朝鮮水師。克其島城。三年六月從揚武大將軍岳託由墻子嶺入明境。岳託薨於軍。遂代將。與多爾袞會略山東諸地。十六戰皆捷。四年四月凱旋。

賜馬二。駝一。銀五千兩。八月。

命掌禮部事。九月與阿濟格略明寧錦地。五年六月築

城屯田義州。嗣聞明經畧洪承疇率四總兵營

於杏山城外。杜度偕諸貝勒掩殺。至其城濠。乃

還。仍伏兵於寧遠路。截明運道。獲其米千石。復

偵知敵騎保松山。馳迫之。三戰三捷。敵兵遁走。

六年八月。

太宗還

盛京獨留杜度圍錦州。七年六月薨於軍。

賜祭葬。雍正二年立碑墓道旌其功。

貝勒博洛。阿巴泰第三子也。天聰九年五月。大軍由山西伐明。博洛奉

命從貝勒多鐸率兵駐寧遠錦州界。以爲聲援。且略地。

有功。崇德元年封固山貝子。二年四月。

命議政。三年十月。

太宗親率大軍由義州伐明。

命從多鐸率護軍出寧遠錦州之間。將過中後所。猝遇明總兵祖大壽兵襲我師後。護軍統領哈寧阿等且戰且退。博洛麾兵擊却之。五年五月隨濟

爾哈朗等。迎蒙古多羅特降人於五里臺。擊敗
錦州。松山。杏山兵。師還。

賜良馬一。六年。八月。

太宗親征洪承疇於錦州。明總兵八員來犯我前鋒軍。

從阿濟格逐之至塔山。盡獲其筆架山積粟。我

太宗既敗承疇兵。明八總兵潛師遁。博洛截擊之。復同

多鐸設伏以待。明總兵吳三桂。樸。僅以身免。七年。

樸。伏起前後夾擊敗之。三桂。樸。僅以身免。七年。

九月。同貝子尼堪等駐防錦州。順治元年。四月

隨多爾袞入山海關。破流賊。十月。晉封多羅貝勒。十一月。從多鐸南征。二年。正月。破流賊於潼關。四月。定河南。並有功。

腸弓。一。六月。多鐸已定南京。令博洛等引兵擊明潞王朱常淓於杭州。東渡錢塘江。潞王窮蹙降。浙東西郡縣皆下。十月。敍功。

賜金二百兩。銀五千兩。鞍馬一。時明福王朱由崧已滅。而唐王朱聿釗復僭號於閩。魯王朱以海稱監國於紹興。自浙以南。尙未歸化。三年。二月。

世祖命爲征南大將軍。往平浙閩。五月。師抵杭州。敵營

於錢塘江東岸。綿亘二百里。我軍無舟楫。不得渡。忽江沙暴漲。水淺可涉。遂策馬徑渡。敵大驚。僞國公方國安。盡棄戰艦。奔還紹興。攜魯王走台州。尋入海。八月。克金華。衢州。擒斬明蜀王朱盛灋等。全浙平。分兵由衢州廣信二道。趣福建。遣圖賴等。擊敗僞閩部黃鳴駿兵於仙霞關。遂破浦城。攻克建寧。延平。時明唐王朱聿釗遁走汀州。襲拔其城。斬之。撫定興化。漳泉等府。克福

州。前後破敵二十餘陣。降僞總兵以下官一百三十餘員。馬步兵六萬有奇。福建平。四年二月進師廣東。克潮惠等州。時聿釗弟聿鑛復僭號廣州。遣署兩廣總督佟養甲等率師進剿。斬聿鑛。廣州平。四月班師。晉封多羅郡王。

賜號端重。五年大同總兵姜瓖叛。代州被圍。與碩塞往援。解代州圍。六年三月敗大同援兵。及姜瓖兵擊斬殆盡。特晉和碩親王。四月賊陷汾州。命爲安西大將軍。統兵討之。五月克復清源。交城等五

城。六月。賊圍平陽。遣副都統譚布擊敗之。賊渡黃河遁。七月。賊圍絳州。遣副都統羅碩等往勦。斬二千餘級。遂進攻孝義。拔其城。又敗賊於壽陽。平遙。遼州。榆社等處。九月。同滿達海協攻汾州。克之。斬僞巡撫姜建勳等。盡復所陷州縣。全晉底定。八年。三月。

命掌戶部事。九年。三月。薨。謚曰定。十六年。十月。濟爾哈朗等追議。博洛嘗諂事多爾袞。追降多羅貝勒。

奪謚及碑。

貝勒杜爾祜。杜度第一子也。初封輔國公。崇德六年八月。

太宗圍松山。大敗明兵。

命諸將士截殺明兵之宵遁者。杜爾祜在事有功。七年。

從大軍圍錦州。六月。襲封鎮國公。順治元年。十

一月。隨豫親王多鐸。南征有功。

賜金五十兩。銀二千兩。六年六月。隨鄭親王濟爾哈朗。

平定廣西。七年四月。凱旋。

賜銀六百兩。八年二月。晉封多羅貝勒。